



Broj: 07-11-1491/21
Vogošća, 18.11.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 18.11.2021. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE
GLAVNOG PROJEKTA IZGRADNJE PJEŠAČKIH STAZA (TROTORA) NA DVIJE
DIONICE UZ MAGISTRALNI PUT M18 U UKUPNOJ DUŽINI OD 1.520 m, NA PODRUČJU
OPĆINE VOGOŠĆA-MZ GORA

Član 1.

Ponuda ponuđača "Centar za projektovanje i konsalting" d.o.o. Banja Luka, ulica Bulevar Desanke Maksimović broj 2. Banja Luka, odabrana je za pružanje usluge izrade Glavnog projekta izgradnje pješačkih staza (trotora) na dvije dionice uz magistralni put M18 u ukupnoj dužini od 1.520 m, na području općine Vogošća-MZ Gora, kao prvoplasirana na Rang listi, sa ponuđenom ukupnom cijenom nabavke u iznosu od 4.440,00 KM bez uračunatog PDV-a, odnosno 5.194,80 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 07.10.2021. godine donio Odluku o pokretanju Otvorenog postupka nabavke usluge izrade Glavnog projekta izgradnje pješačkih staza (trotora) na dvije dionice uz magistralni put M18 u ukupnoj dužini od 1.520 m, na području općine Vogošća-MZ Gora, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.10.2021. godine pod brojem: 1353-1-2-189-3-145/21.

Sažetak Obavještenja o nabavci objavljen je u "Službenom glasniku BiH" broj: 63/21 od 08.10.2021. godine.

Tendersku dokumentaciju sa Portala javnih nabavki BiH su preuzela 23 (dvadeset i tri) ponuđača.

Krajnji rok za dostavu ponuda bio je 04.11.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 04.11.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1491/21 iz oktobra 2021. godine i Izmjeni TD broj: 07-11-1491/21 iz oktobra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 9 (devet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"EDI-ING" d.o.o. Donji Vakuf	4.200,00	/	/	4.914,00
2	"Construct projekt" d.o.o. Zavidovići	7.079,00	/	/	8.282,43
3	"Smajić-inženjering" d.o.o. Goražde	6.640,00	3%	6.440,80	7.535,74
4	"Centar za projektovanje i konsalting" d.o.o. Banja Luka	4.440,00	/	/	5.194,80
5	"Urbis centar" d.o.o. Banja Luka	6.500,00	/	/	7.605,00
6	"Institut za građevinarstvo IG" d.o.o. Banja Luka	5.800,00	/	/	6.786,00
7	"NTSI-institut" d.o.o. Sarajevo	6.850,00	/	/	8.014,50
8	"PPG" d.o.o. Sarajevo i "Pronasa" d.o.o. Sarajevo	5.700,00	/	/	6.669,00
9	"Radis" d.o.o. Istočno Sarajevo	6.700,00	/	/	7.839,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "EDI-ING" d.o.o. Donji Vakuf ne ispunjava formalno-pravne uslove tražene Tenderskom dokumentacijom i to:
 - Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogućiti naknadno vađenje ili umetanje listova, osim garantnih dokumenata. Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav 6. i 7. Uputstva za pripremu modela tenderske dokumentacije i ponuda.

Ponuđač "EDI-ING" d.o.o. Donji Vakuf je u svojoj Ponudi uredno numerisao sve stranice, međutim isti je propustio da numerički poslijednju stranicu svoje ponude (stranicu broj 31)-sadržaj ponude Aneks 9 TD.

Komisija za javne nabavke smatra da je ponuđač "EDI-ING" d.o.o. Donji Vakuf na ovaj način odstupio od jasno propisanog zahtjeva ugovornog organa iz TD, kao i relevantnih odredbi člana 8. stav 6. i 7. Uputstva za pripremu modela tenderske dokumentacije i ponuda kao podzakonskog akta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Smajić-inženjering" d.o.o. Goražde ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD je kao dokaz zahtjevana Izjava na obrascu ponuđača da će za potrebe realizacije predmeta nabavke imati na raspolaganju angažovano tehničko osoblje. Potrebno je bilo da ponuđač u sklopu svoje ponude dostavi Izjavu u kojoj će navesti da će za svaku fazu Glavnog projekta angažovati stručno lice ili firmu, koja ispunjava sve predviđene uslove za izradu i ovjeru tehničke dokumentacije, u skladu sa Zakonom o prostornom uređenju Kantona Sarajevo ("Službene novine Kantona Sarajevo" broj: 24/17 i 1/18) i drugim zakonskim propisima koji regulišu ovu oblast. Ponuđač "Smajić-inženjering" d.o.o. Goražde je u svojoj Ponudi propustio da dostavi jasno propisanu Izjavu iz tačke 7.4.2. pod b) TD.

Detaljnim postupkom pregleda i ocjene ponude, Komisija za javne nabavke je utvrdila da ponude ponuđača/Grupe ponuđača:

- "Construct projekt" d.o.o. Zavidovići,
- "Centar za projektovanje i konsalting" d.o.o. Banja Luka,
- "Urbis centar" d.o.o. Banja Luka,
- "Institut za građevinarstvo IG" d.o.o. Banja Luka,
- "NTSI-institut" d.o.o. Sarajevo,
- "PPG" d.o.o. Sarajevo i "Pronasa" d.o.o. Sarajevo i
- "Radis" d.o.o. Istočno Sarajevo

ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude ponuđača Centar za projektovanje i konsalting "CPK" d.o.o. Banja Luka u iznosu od 4.440,00 KM bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (5.700,00 KM) Grupe ponuđača "PPG" d.o.o. Sarajevo i "Pronasa" d.o.o. Sarajevo, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 07-11-1491/21 od 17.11.2021. godine zatražila pojašnjenje neprirodno niske cijene ponude ponuđača "Centar za projektovanje i konsalting" d.o.o. Banja Luka.

Ponuđač "Centar za projektovanje i konsalting" d.o.o. Banja Luka je svojim aktom broj: 1709-11/21 od 18.11.2021. godine dostavio obrazloženje neprirodno niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno i detaljno obrazloženje razloga ponuđene cijene.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Glavnog projekta izgradnje pješačkih staza (trotora) na dvije dionice uz magistralni put M18 u ukupnoj dužini od 1.520 m, na području općine Vogošća-MZ Gora kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Centar za projektovanje i konsalting" d.o.o. Banja Luka	4.440,00	/	/	5.194,80
2	"PPG" d.o.o. Sarajevo i "Pronasa" d.o.o. Sarajevo	5.700,00	/	/	6.669,00
3	"Institut za građevinarstvo IG" d.o.o. Banja Luka	5.800,00	/	/	6.786,00
4	"Urbis centar" d.o.o. Banja Luka	6.500,00	/	/	7.605,00
5	"Radis" d.o.o. Istočno Sarajevo	6.700,00	/	/	7.839,00
6	"NTSI-institut" d.o.o. Sarajevo	6.850,00	/	/	8.014,50
7	"Construct projekt" d.o.o. Zavidovići	7.079,00	/	/	8.282,43

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Centar za projektovanje i konsalting" d.o.o. Banja Luka, za pružanje usluge izrade Glavnog projekta izgradnje pješačkih staza (trotora) na dvije dionice uz magistralni put M18 u ukupnoj dužini od 1.520 m, na području općine Vogošća-MZ Gora, kao prvoplasiranom na Rang listi, sa ponuđenom ukupnom cijenom u iznosu od 4.440,00 KM bez uračunatog PDV-a, odnosno 5.194,80 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



Dostavljeno:

- | | |
|---|-----------------------------|
| 1. "EDI-ING" d.o.o. Donji Vakuf | 030/205-005 |
| 2. "Construct projekt" d.o.o. Zavidovići | 032/878-571 |
| 3. "Smajić-inženjering" d.o.o. Goražde | smajicinzenjering@gmail.com |
| 4. "Centar za projektovanje i konsalting" d.o.o. Banja Luka | 051/492-411 |
| 5. "Urbis centar" d.o.o. Banja Luka | 051/223-962 |
| 6. Institut za građevinarstvo "IG" d.o.o. Banja Luka | 051/348-372 |
| 7. "NTSI institut" d.o.o. Sarajevo | 033/847-775 |
| 8. "PPG" d.o.o. Sarajevo | info@ppg.ba |
| 9. "Radis" d.o.o. Istočno Sarajevo | 057/343-136 |
| 10. Nadležnoj Službi | |
| 11. U dosije | |
| 12. a/a | |



OPĆINSKI NACELNIK


Edin Smajić